

宣統二年季春月

利溥集

翔霍居士述

張設采真

脈訣采真敍

嗟乎醫亦多術矣。所最難者切脈耳。蓋審脈不真。則臨證懞怳。病末由治。故脈之一道。最精最微。而審之者。必詳必慎。異同疑似之間。毫釐之差。危亡所立致也。雖古之著脈訣者。代不乏人。然自叔和而降。餘子多所未審。不失之繁。卽失之簡。學者卒難得其要領。無惑乎醫道愈趨愈下。而國手之不數數覲也。余少羸多病。庭訓之下。喜撿方書。輒有悟入處。會母病危。

治罔效。羣醫束手。乃齋居默禱。願專攻斯道以濟世。未幾。母病果瘳。而榮利之心亦淡。遂寢饋其間。如布帛菽粟之不可一日離。凡古今名人著述。靡不潛心體會。於脈訣尤加意焉。初余之業是也。先君子以有妨舉子業。意弗怡。繼以余得醫之門徑。乃進而命之曰。治病之要。識脈爲先。藥性次之。斯二者。醫家之最大關鍵也。諸家聚訟。安所折衷。汝他日造詣果深。當輯二者善本。以爲初學津逮。亦吾儒利濟之一端也。

謹識之。弗敢忘。洎光緒壬寅癸卯閒。余以醫遊小溪。接應之暇。卽博采脈訣之真諦。與夫藥性之要品。纂輯成編。都爲一卷。藏諸行篋。已七稔矣。嘗欲就海內高明。以相質證。遲遲未果。今年春來遊成都。得遇馬君伯崇。朱君星樞。吳君仲如。談論數月。深相契合。出是編質之。僉以爲不謬。慙慙付梓。公諸同好。竊思諸君皆積學之士。且夙深於醫學者也。旣獲匡正之益。復念先人遺訓不可忘。因付手民。曰利溥集。承先志。

也。刻既竣，並述其顛末如此。

宣統元年九月，既望，遂甯王鴻驥、翔鶴氏識於錦城。

客館

凡例

一方書論脈愈詳。讀者愈難下手。茲選時行而不悖於古者。惟脈確最便初學。故列篇首。俾讀者開卷瞭然。得其意而引申之。不難頭頭是道。復采諸家要言附後。以備參考。

一脈確一書。極清醒。極簡捷。某等脈。卽用某等字之韻。編成歌括。一線到底。脈之應病。以內經爲主。內經未詳者。以脈經補之。脈經未詳者。以歷代名醫

之說補之。俾學者知有是病。卽有主是病之由。較前人脈賦脈詩。似覺稍確。

一經絡之起止出入部穴等。最關緊要。學者每苦其難置而弗讀。因采其歌括切要者。列於卷帙。以便記誦。學者熟此。再讀內經原文。自能融會貫通。

一凡診人之脈。男左女右。視掌後高骨隆起處。卽是關部脈。先將中指按定關部。方下前後二指於尺寸之上。又須以病人之身材爲衡。其身材長者。則

下指宜疏。短者則下指宜密。或有寸關尺三部脈不見而列缺陽谿脈見者。名反關脈。此得之有生之初。非病脈也。須令病人側立其手診之。

一診候之法。各家不同。俱宜熟記於心。隨機應變。又必以望聞問三者合而參觀之。則胷有成竹。指下了然。

一寸關尺三部配五藏六府。軒岐仲景未有明文。諸家左右部位挨配之說。互相詆訟。反滋人疑。要皆

無益於診法。不必泥也。

一內經頭手足遍診之法。廢墜已久。今從難經以寸關尺爲三部。其法最精。上部有疾。應見於寸口。中部有疾。應見於關。下部有疾。應見於尺中。此其最的實明驗者。

一內經難經之論脈。誠診家之大經大法也。而仲景論脈。散見於各書章節中者。字字精切。學者宜畱心領會。

音校凡例

一點畫不差。爲著書要務。况醫學爲世人生命所關。襲謬承譌。貽害何所底止。是集細加考訂。撿校詳審。一直一橫。毫釐必辨。雖世俗沿用已久。而不憚煩難。爲之更正。非自矜特別。亦祇實事求是。俾讀者知所從來。不致囿於譌謬耳。

一切韻爲識字權衡。是集詳加審定。義當何屬。卽讀何音。於簡帛詳列某切。某聲。某音。其或字典原所

音字。俗讀多譌。則更考等韻之同音。通讀不謬者。音之訓釋。間亦附錄。

一集中有云。讀某者。乃同音異母。如滔陶之上去入。皆同音。而滔則透母。陶則定母。用異母音。則書讀某以別之。如陶上聲。讀討之類。是也。

一字非本義。應讀別音者。則於某聲某音之上。增一借字。更於本字隨其音之平上去入。加以角圈。俾讀者心目瞭然。卽角圈或有缺落。閱其借聲借音。

等字。無不渙然冰釋。

一集中所列某切。閒有與字典不符者。以原切之字。俗讀多譌。則審音不的。特取同韻同母。明白共曉者。與之更易。檢視等韻自知。

一音下所附訓釋。悉皆根據字典。或字典原註。閒有未盡。則更爲引申。如塊訓撲。兼取元應引說文訓堅土。厭通作饜。義訓饜飫。並引飫訓食多之類。皆據實書錄。不敢以臆說欺人。

一集中所音有重見不重見之別。因篇幅有長短之
差。篇幅短。既音於此。卽不再音於彼。篇幅長。則不
妨前後屢見。非自亂其例。亦非好爲煩瑣。實欲讀
者舉目卽是。以免翻閱之勞。

受業馬心融謹識

脈訣采真目錄

卷之一

黃韞兮脈確

浮

洪

虛

芤

革

散

微

沈

牢

伏

實

遲

緩

數

結

促

代

弦

緊

長

短

細

濡

弱

瀦

滑

動

胎脈

論診雜病生死脈歌

論診暴病將絕脈歌

七怪脈歌

緩脈爲綱詩

擬補徐靈胎診脈論詩

診小兒虎口三關脈歌

十二經脈歌

奇經八脈歌

穴道歌

分寸歌

奇經八脈大旨

奇經八脈診法

持脈祕法

診脈決死生論

脈經論

脈訣非叔和書辨

藏府位次

診脈別解

六部脈解

定至數

四時平脈

脈分四時六氣

診脈大意

七診辨

九候解

察脈六字解